

# FORUM ONG TIMOR LESTE THE TIMOR LESTE NGO FORUM



Rua do Mercado Municipal, Dili, Timor-Leste / Mobile Phone +670 77999304/ 77236782/ [forumong.tl@gmail.com](mailto:forumong.tl@gmail.com), [joaofreitas.fongtil@gmail.com](mailto:joaofreitas.fongtil@gmail.com)/ [www.fongtil.org](http://www.fongtil.org)

## KOMUNIKADU IMPRENCA

Nudár ita hotu hatene, Covid-19 konsideradu ona sai pandemia tanba afeta ka da'et ba umanu tomak mundiál nian, balun infetadu diretu husi virus ida ne'e, barak mós sofre konsekuénsia sósiu ekonomiku husi kazu ida ne'e nian. Timor-Leste nudár estadu halo ona medida sira prevensaun barak maibe prezisa halo liu tan hodi satan labele iha transmisaun komunitaria.

Maske nune'e núdar sosiedade sivil, ami apresia ba progresu servisu ne'ebe governu halo hamutuk ho lina frente hanesan "medíku, Pesoal Saude, PNTL, F-FDTL no Mídia, tanba liu husi liña koordinasaun ne'ebé diak konsege fo atendentu ba sidadaun sira iha kuarentena, iha izolamentu to'o iha prosesu reintegrasaun. Ami mós apresia ba parseiru dezenvolvimentu sira hotu ne'ebé fo ona sira nia kontribuisaun moral no material ba Estadu Timor Leste hodi prevene no kombate surtu Covid-19.

Atu afirma ba publiku katak, liu husi enkontru membru sosiedade sivil hanesan FONGTIL, TLCE, CGT no RFTL, BESI-TL, La'ó Hamutuk, AJAR, MDI, OXFAM, BELUN, rede HASATIL no ativista sociedade civil iha loron 15 Fevereiro 2021, desidi hodi re estabelese ekipa voluntariu sosiedade sivil nian ba apoiu servisu prevensaun Covid-19 ho objetivu atu apoiu servisu sosializasan no sensibilizasaun ba comunidade relativamente ba esforsu nasional prevensaun Covid-19

Ekipa Sociedade sivil nian iha Timor Leste laran tomak mos alerta apoiu ba esforsu sira hodi evita no combate pandemia covid-19. Sociedade civil hola pozisaun ida ne'e tambá kazu ativu COVID-19 deznadadamente kazu detetadu sira ne'ebe mai husi pasajen ilegal iha pais, nune'e halo kuida saúde publiku populasaun no impede transmisaun komunitaria iha território Nasional.

Bazeia ba pozisaun iha leten, sociedade civil Timor Leste mai ho ejijsia sira mak hanesan tuir mai ne'e;

1. Husu ba Governu atu haforca linha fronteiras liu husi mobiliza involvimentu comunidade , autoridade komunitaria hodi apoiu forca rua PNTL no F/FDTL hodi kontrola movimentu ilegal.
2. Husu ba Governu atu lockdown ba municipio Bobonaro, Covalima no RAEOA
3. Husu ba Governu atu asegura nafatin disponibilidade aihan no materials sanitaria ba comunidade iha municipio Bobonaro, Covalima no RAEOA hodi koresponde nesesidade baziku hodi la prejudika comunidade durante periodu lockdown

4. Husu ba Guvernu atu aplika Test masal ba populasaun hotu iha municpio Bobonaro, Covalima no RAEOA
5. Husu ba Guvernu, Parlamentu Nasional atu halo desizaun ho seriedade hodi hola ona Vasina nune bele halo ona vasina ba sidadaun ho obrigatoriu no Fahe informasaun kredibel ba comunidade konaba importansia husi vasina.
6. Apela ba lidere politikus, lidere instituisaun hotu, no autoridade hotu iha Timor-Leste atu hasai deklarasaun ruma ho kuidadu tamba bele fo influencia ba comunidade atu la kolabora ho guvernu liu husi medidas sira ne'ebe guvernu hasai hodi mitiga no prevene COVID-19 iha Timor-Leste.
7. Husu ba Guvernu liu husi ministerio Interior no ministerio Defeza atu faselita faselidade teknolijia hanesan Drone ba PNTL no F/FDTL atu kontrola movimentu ilegal iha fronteira.

Dili, 15 de Fevereiro 2021



Daniel Santos do Carmo  
Director FONGTIL